

Bosna i Hercegovina
Federacija Bosne i Hercegovine
ZENIČKO–DOBOJSKI KANTON
OPĆINA MAGLAJ
OPĆINSKO VIJEĆE



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

Broj:02-04-1- /21
Maglaj, 2021.godine

PRIJEDLOG

Na osnovu člana 13. Zakona o principima lokalne samopuprave („Službene novine Federacije Bosne i Hercegovine“, broj: 49/06), člana 19. Statuta Općine Maglaj („Službene novine Općine Maglaj“, broj 8/07, 3/08 i 6/08), kao i člana 101. Poslovnika o radu Općinskog vijeća Maglaj („Službene novine Općine Maglaj“, broj: 1/13), Općinsko vijeće Maglaj je na sjednici održanoj dana 2021. godine donosi

ODLUKU

o izmjenama i dopunama Poslovnika o radu Općinskog vijeća Maglaj

Član 1.

Donosi se Odluka o izmjenama i dopunama Poslovnika o radu Općinskog vijeća Maglaj („Službene novine Općine Maglaj“, broj:2/9, 1/13 i 2/13), kako slijedi:

Član 2.

U članu 59. Poslovnika iza stava (4) dodaje se stav (5) koji glasi:

(5) Izuzetno vanredna sjednica Općinskog vijeća može se sazvati ukoliko se radi o društveno – ekonomskom interesu lokalne zajednice, odnosno ukoliko se traži hitan stav Općinskog vijeća, Kolegij Općinskog vijeća može obraditi predmet i dostaviti Općinskom vijeću elektronskim putem na izjašnjenje u rokovima kraćim od određenog u stavu (1) člana 62. Poslovnika o radu Općinskog vijeća Maglaj.

Član 3.

Član 62. stav 3 Poslovnika o radu Općinskog vijeća Maglaj, ("Službene novine Općine Maglaj"; broj 1/13) mijenja se i glasi:

(3) „Materijali za sjednicu Općinskog vijeća dostavljaju se u elektronskoj formi i objavljivanjem materijala za sjednicu Općinskog vijeća na službenoj Web stranici Općine.“

Član 4.

U članu 62. Poslovnika iza stava 3. dodaje se stav 4. koji glasi:

(4) „Služba OV i ON će osigurati tehničke uslove da svaki vijećnik neometano i kontinuirano raspoláže svojom službenom e-mail adresom dok mu traje mandat u OV Maglaj“.

Član 5.

U dijelu IV, Iza poglavlja 11 dodaje se poglavlje 12 koji glasi:

„Rad Općinskog vijeća u vrijeme ugrožene opće javne sigurnosti, javnog zdravlja i imovine i proglašenog stanja epidemije ili pandemije zaraznih bolesti“

Član 6.

Iza člana 100. Poslovnika o radu Općinskog vijeća dodaje se član 101. koji glasi:

„Član 101

(1) U izuzetnim okolnostima, kada je to neophodno iz sigurnosnih razloga ili zbog zaštite javnog zdravlja, odnosno kada je proglašeno stanje prirodne ili druge nesreće, opasnosti po javnu sigurnost i sigurnost građana širih razmjera, elementarnih nepogoda, velikih šteta za imovinu, epidemija i slično, Kolegij Općinskog vijeća može odlučiti da se sjednice Kolegija i sjednice Općinskog vijeća održavaju elektronskom poštom ili online korištenjem informacijskog sistema koji podržava prenos videokonferencija ili aplikacija, programa i drugih elektronskih platformi za direktnu glasovnu i videokonferenciju.

(2) Odluku o održavanju sjednica i načinu rada radnih tijela u navedenim okolnostima donosi predsjednik radnog tijela, shodno odredbama ovog Poslovnika

(3) Rezultate glasanja na sjednicama Općinskog vijeća i Kolegija Općinskog vijeća utvrđuje predsjedavajući/a Općinskog vijeća uz pomoć zamjenika/ce predsjedavajućeg/e

(4) Prilikom održavanja elektronskih sjednica Općinskog vijeća ili Kolegija Općinskog vijeća shodno se primjenjuju odredbe ovog Poslovnika

(5) Na elektronskoj sjednici Vijeća može se odlučivati o svim pitanjima iz nadležnosti Vijeća propisanim zakonom i Statutom Općine.

(6) Elektronske sjednice iz stava 1. ovog člana održavaju se korištenjem specijaliziranih aplikacija za videokonferencije putem interneta, a prethodno i službeno osigurane od strane Službe za stručne poslove Općinskog vijeća Maglaj, potrebne tehničke pretpostavke za rad i odlučivanje.

(7) Glasanje na elektronskoj sjednici organizovat će se na način koji će svakom vijećniku omogućiti jasnu identifikaciju i izjašnjavanje o svakoj tački dnevnog reda, kao i rezultatu glasanja o svakom pitanju za koje se glasalo.

(8) Vijećnici su prije sjednice obavezni prethodno provjeriti tehničke mogućnosti svojih uređaja, internetsku vezu i raspoloživost kapaciteta uređaja kojeg koriste te voditi računa o navedenom tokom sjednice kako bi osigurali neometano prisustvovanje i glasanje u vremenu održavanja sjednici.

(9) Za potrebe održavanja elektronskih sjednica Općinsko vijeće kao tijelo koristi službenu adresu elektronske pošte, a pristup i korištenje navedene adrese u ime Općinskog vijeća izvršava predsjedavajući/a Općinskog vijeća, odnosno osobe koje on/a ovlasti te nadležni službenici Jedinog organa uprave Općine Maglaj.

(10) Tok elektronske sjednice putem videokonferencije se snima, a snimak odnosno elektronski zapis održavanja sjednice pohranjuje se i čuva u Službi za stručne poslove Općinskog vijeća i Općinskog načelnika Maglaj

(11) Zapisnik s elektronske sjednice verificira se na prvoj sljedećoj sjednici Vijeća.

(12) Vijećnici koji namjeravaju prisustvovati sjednici obavezni su se uključiti u sjednicu, odnosno zatražiti pridruživanje videokonferenciji sjednice prije početka sjednice shodno prethodno dobivenom uputstvu .

(13) Prisustvovanjem elektroničkoj sjednici vijeća putem videokonferencije smatra se uspješna uspostava te provjera audio i video veze s predsjednikom Vijeća ili ovlaštenog lica Službe za

stručne poslove Općinskog vijeća, putem odabrane aplikacije. Svaki izostanak audio i video veze pojedinog člana Vijeća te neodazivanje na provjeru istih smatra se napuštanjem sjednice .

(14) Vijećnici su tokom videokonferencije obavezni koristiti ispravnu videokameru te istu imati aktiviranu tijekom cijele sjednice na način da je ista na odgovarajući način pozicionirana kako bi se vidjelo cijelo lice pojedinog vijećnika/-ce .

(15) U slučaju da tokom glasanja na pojedinoj tački dnevnog reda nije na zaslonu(ekranu), vidljiv pojedini vijećnik smatrat se da isti nije prisutan na glasanju na toj tački dnevnog reda .

(16)Vijećnici su obavezni prisustvovati videokonferenciji na načIn da ne ometaju provedbu videokonferencije i komunikaciju drugih vijećnika te ostalih sudionika a posebno voditi računa da u što većoj mjeri izbjegnu pojavu mikrofonije i tehničkih smetnji uzrokovanih korištenjem drugih elektronskih uređaja u istoj prostoriji i slično

(17) Izjašnjavanje i rasprava po tačkama dnevnog reda održava se na način da vijećnici ili gosti aktiviraju mikrofon samo kada dobiju riječ od strane predsjedavajućeg - e Općinskog vijeća .

(18) Glasanje po tačkama dnevnog reda putem videokonferencije provodi se u pravilu na način da se po zaključenju rasprave po pojedinoj tački svaki vijećnik poimence proziva nakon čega isti uključuje mikrofon te se neposredno usmeno izjašnjava o svojem glasu,odnosno glasuje li „za" „,protiv " ili je„suzdržan", nakon čega isključuje mikrofon.

(19) U slučaju nepredviđenih okolnosti, tehničkih poteškoća u provedbi sjednice ili drugih okolnosti koje bi onemogućile ili znatno otežale provedbu sjednice putem videokonferencije, sjednica se može prekinuti te,ovisno o odluci predsjedavajućeg-e Vijeća, odgoditi ili nastaviti“.

Član 7.

Član 101. Poslovnika o radu Općinskog vijeća Maglaj postaje član 102., a svaki naredni član mijenja se u svom numeričkom nizu zaključno sa članom 167.

Analogno tome izvršiće se promjene u redosljedu brojeva obilježavanju dijelova i poglavlja Poslovnika.

Član 8.

Ova Odluka stupa na snagu osam (8) dana od dana objavljivanja u "Službenim novinama Općine Maglaj“

PREDSJEDAVAJUĆA
Svjetlana Zamboni - Radovanović